

施南府志卷之十

知施南府事王協夢監修

典禮

風俗

修教齊政不易其俗方志所以必記風俗也然與化移易今固不盡如古所云也施郡自改土歸流治法既殊民風亦變則舊志所紀有難信於今者故風俗志屬之郡士不概用舊稿

施州山岡砂石不通牛犁惟伐木燒畚以種五穀

施南府志

卷之十 典禮

一

地僻山深民雜夷獠俗尙儉略猶近華風

施州隆冬可单盛夏可袂

施州山深地僻層巒茂林俗尙節儉盜賊不作

施處萬山中其氣多煖入夏後蒸濕亦甚冬雪易消冰不能堅獨高山密箐風氣特緊夏日不異寒冬侵晨或起大霧是日必大晴四季不爽

杜少陵鄭典設自施州歸詩其俗則淳樸不知有主客又乃聞風土質又重田疇闢風俗大概可見矣舊志載宋儒曰施州風土大類長沙論文學則駸駸大國風論

人情漸多澆漓少淳厚興少陵何不相侔歟蓋風俗與化移易有不期然而然者乎

水旱田地不分頃畝但就穀種數計之家產以此分厚薄契券以此定價值蓋俗沿已久莫能驟改矣

施郡之民分里屯二籍里籍土著俗尙儉樸水耕火耨男女雜作房間設火鋪飲斯食斯嫁娶鄰族相助謂之過公頭喪葬前夕繞棺歌唱謂之打喪鼓蓋卽輓歌之遺初春祭社祈年合村釀飲歲終還願酬神各具羊豕祭於家皆以巫師將事屯籍皆明末 國初調撥各省

施南府志

卷之十

典禮

二

官軍之家而河南江南爲多言語服食各從本貫子弟必讀書女習針黹紳衿不干預詞訟婦人不踏青謁廟婚禮行茶下定謂之作揖男家具儀物庚帖送女家填庚謂之押八字長成始納采請期豐儉隨力親迎男家請男子十人陪郎謂之十弟兄女家請女子十人陪女諸之十姊妹親喪多遵家禮朝夕奠請賓點主祭后土迎靈虞祭間亦延僧誦經

兄弟分析不圖聚處雖士人之家亦無祠堂歲時伏臘各祭於正寢而已凡遇親長生辰婦女前夕往并主家

羅列菓品分包攜歸謂之鮓包

歲時令節元旦焚香燭拜祝祖先依喜神方位出行至各神廟焚香親族交相拜賀閉門三日謂之閉財門春酒彼此招飲上九夜龍燈獅燈索室驅疫燈火花爆相競至元宵止元宵食湯圓清明祭墓標以紙錢新塚則祭於社前本家男女及內戚偕往祭畢卽於墓前飲福端午角黍蒲觴餽遺招飲六月六日曬衣服書畫貯蓄醬水中元封包紙錢上書祖先名諱供於中庭三日乃於門前焚之出嫁之女此日亦必迎歸飲福捐錢各廟

施南府志

卷之十

典禮

三

作盂蘭盆會中秋賞月送瓜重陽載酒登高冬至官紳交賀小除日以錫作餅祀竈謂之竈餅親友餽歲除夕祭先祖五祀置酒守歲不異名郡風俗惟郡城之中宴會酒食漸趨華侈亦流俗之所宜力挽者

五月五日端陽競渡楚俗所同至十五日名大端陽食角黍飲蒲酒競渡如前此惟施宜爲然莫詳所自

童蒙讀書至十月散館有志者再上學至臘底止謂之

冬學

舊志載各邑風俗皆緣土司舊地習尙樸陋自改土以

來流人麋至民勤耕稼士習詩書舊俗漸易其與郡城大率相同故舊志不盡錄存

婦女居城市者嫻女工針黹居鄉者紡績室中饁餉野外負簍於背上山採薪下田耨草惟不善織各村市皆有機坊機工織之

建始自明季寇亂邑無居人十數年迨康熙初年始就蕩平逃亡復業者十之一二嗣是荊州湖南江西等處流民競集維時土曠人稀隨力墾闢不以越畔相訶也迨後者踵至則以先至者爲業主典買耕種略議地界

施南府志

卷之十 典禮

四

又或衆姓共佃一山自某坡至某澗奚啻數里而遙始則剪除荆棘驅其豺狼狐狸而居之至於荒地成熟收如墉櫛昔所棄爲區脫者今則等於商于而爭田之訟日起矣初界本不甚清易於影射自康熙二十五年報墾雍正七年清丈以來有屢經勘訊而經界仍不能正者固難以讓畔之風喻諸荷鋤之侶矣

歲時祭祀間循古禮亦多沿俗習秋成後流寓之民始行滕而回籍土著之家販猪而貿易入此室處婦子相聚□少矣

戶口較前奚啻十倍然住居星散比屋百餘家者已不多見如城外市肆之草紙街不過數十家而鄉間各場如板橋子紅巖子高店子花果坪其最著者不過數十家鼓刀當鑪以供村民日用之需故人多古樸不染紛奢之習焉

禍亂既平人有定居外來之民典佃耕墾便爲己有時復屢豐餘糧棲畝用以飼豕百十爲羣驅販荆宜等處獲利倍蓰迨後戶口漸增穀價日昂高原峻坡值等膏腴致富之家大率由此

施南府志

卷之十

典禮

五

承平日久生齒漸□雖幽巖邃谷亦築室其下峻嶺高岡亦耕種其上可謂地無遺利人無遺力矣然多狃目前而忘遠慮常有因夏月驟雨大水暴漲闔室漂蕩者有耘耔山上奔避不及被急流冲去者如乾隆四十一年六月大雨貢生尹啟麟居後山水暴漲住宅坍塌器用漂流貢照亦失幸人口無恙亦其鑒也

施南府志卷之十終